

CLEMENS PP. XIV.

Venerabilis Pater, seu Dilecte Filii Salutem, et apostolicam Benedictionem. Exponit Nobis quod fecerunt Dilecti Filii Communitas et Homines Oppidi Civit. nuncupat. Hadzicioris istius Diocesis
Uladislavien, quod scrupuli continui eos torquent ob publicam famam dudum lata excommunicationis sententia ab Apostolica hac Sta Sede super Oppidum Civit. nuncupat. predicta. Licet vero Exponentes
ipsi diligens examen adhibuerint, nihilominus minimè invenire certo potuerunt causam, propter quam sententia excommunicationis adversus dictum Oppidum, seu Civitatem lata fuerit, solo tamen rumore,
et traditione ab immemorabili tempore non interrupta, ita perturbatur fama, et conscientia eorumdem Exponentium, ut Populus praesertim rudis traditionis huius describat omnia infortunia, et in-
felicitates, quae eidem Oppido, seu Civitati saepe numero superveniunt. Hinc dicti Exponentes Benedictionem sibi, et, quatenus opus sit, absolutionem pro majori conscientiarum suarum quiete, et securitate
per Nos impetrari plurimum desiderant. Nobis propterea humiliter supplicari fecerunt, ut sibi in praemissis opportune providere, et ut infra indulgeret de benignitate apostolica dignaremur. Nos igitur
ipsos Exponentes specialibus favoribus, et gratiis protegere volentes, et eorum singulares personas a quibuscumque excommunicationis, suspensionis, et interdicti, aliisque ecclesiarum sententiis, censuris, et poenis a
iure, vel ab hominibus quavis occasione, vel causa latis, si quibus quomodolibet innodatas existunt, ad effectum praerentium dumtaxat consequendum, eorum serie absolventes, et absolutas fore consentes
quomodolibet supplicationibus inclinati, Paternitati tuae Pater Episcopo, seu Discretioni tuae Filii officialis per praesentes committimus, et mandamus, ut indicis eidem Communitati, et Homines praedictis tri-
duano generali jejuniis, et facta aliqua Processione arbitrio tuo indicenda, et injuncta eis, et cuilibet ipsorum praenitentia salutari, eorum quolibet, qui id humiliter petierit, tam pro se, quam pro suis de-
functis a quibuscumque excommunicationis, suspensionis, et interdicti, aliisque ecclesiarum censuris, et poenis, si quibus occasione praemissorum innodati remanent, auctoritate apostolica in utroque foro absolvas, et
totaliter liberes, seu per idoneos sacerdotes absolvi, et totaliter liberari mandes, illasque eis gratis remittas, et condones; necnon omnem infamiam, et infamiae maculam, siue natam ex iisdem pra-
missis quomodolibet insurgentem ab eis penitus aboleas, ac ipsos in pristinum, et eum, in quo ante praemissa erant statum quo ad omnia restituas, repositas, et plenarie reintegres. Non obstanti-
bus Constitutionibus, et Ordinationibus apostolicis, ceterisque contrariis quibuscumque. Datum Roma apud Sanctam Mariam Majorem sub annulo Piscatoris die xxviii. Martii MDCCLXXIV.

Longi

Notarij

Anno

Quinto

Hadzicioris

Venerabili Fratri Episcopo Vladislaviensi, seu Di-
recto Filio suo Officiali

Antonius Casimirus de Ostrow Ostrowski Dei et Apostolica Sedis Gratia Episcopus Vladislaviensis et Pomeraniae

Universis et singulis quorum interest, aut quomodolibet interesse poterit, praesertim vero Religioso et Rendo in Christo Patri Ordinis S. Francisci Conventuali^m Conventus Radziejoviensis
Bardiano significamus, et ad notitiam. Dubitatum deducimus praesentatas nobis fuisse et ibi introcontentas Literas Apostolicas sub Datum Romae apud Sanctam Mariam Magiorem
Die 28 mensis Martii anni praesentis ad Communitatis Civitatis Radziejoviensis Diaecesis Nostre in ordine obtinenda absolutionis a quibuscumque poenis et Censuris Ecclesiasticis, in Forma
Brevis explicitas sanas, salvas, nec in aliqua parte lasas nullis suspensionibus obnoxias, prout paterentur executioni remanere quaeant, Populum loci illius Deo Omnipotentis gratia convegi curat, et a dictis poenis
Censuris, si quibus forsan innodati libentem, plenam potestatem damus et concedimus, requirentes supra praefatum dicti Conventus Bardianum, quem in locum praesentium delegamus, eligimus specialiter
ut receptis huiusmodi Literis postulo ad Divina amplexa congregato intro contentum Breve apostolicum subiectis, intimet, Valide Ecclesiae affigat, ac tandem a tenorem ejusdem devotionem instituat, et
invito eidem Communitati triduans Septimo a die Decima mensis Martii anni praesentis inclusive inspicendo, Die 13 ejusdem publicam Processionem cum Cruce ad Ecclesiam Parochialem ejusdem loci
faciat, Decantando quoque Psalmos et Orationes approbatas huiusmodi Sententia conformes arbitrio suo selectas, Postea sacrificium cum Communione in sua Ecclesia celebret, vel celebrare faciat. cunctis
denique per se, seu designatos sibi bene viros Presbyteros, quibuscumque hominibus dictae Communitatis utriusque sexus innota eis, et cuilibet ipsorum Penitentia salutari, quemlibet illorum, qui id humiliter
petierit, tam pro se, quam pro suis Defunctis, a quibuscumque Excommunicationis, Suspensionis, Interdicti, aliisque Ecclesiasticis Censuris et poenis, si quibus innodati remanent, Auctoritate Apostolica
in utroque Foro absolvat, nec non omnem inhabilitatem, et infamiae maculam ab eis penitus abolet, ac ipsos in pristinum statum restituat. In quorum fidem et Datum Varaviae 20. mensis Septembris A. 1774.

Antonius Episcopus